



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

22. Dies Julii. Speculator in alto debet stare per vitam, ut possit prodesse per Providentiam. Sanctus Gregorius Homil. 11.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Julius.

Tessera.

565

mon ? nititur velare oculum istum, ut novissimorum  
eximat intuitum : sic enim facilè hunc leonem torpe-  
re, capi, ligari, & jugum subire. Sapiùs igitur conver-  
te oculorum lumina ad mortuorum funera : & audi  
Poëtam, ut sis providus, consulentem provide :

*Disce quid es, quid eris; memor esto, quod morieris.*

## 22. DIES JULII.

Speculator in alto debet stare per vitam, ut possit  
prodesse per Providentiam. *Sanctus Gregorius*  
*Homil. 11.*

Circum- 1.  
spectio,

**C**ircumspectio, est accurata om-  
nium circumstantiarum per-  
lustratio, quæ rem afficiunt,  
& cum ea conjunguntur : ut in

hominibus ætas, opes, imperium, vires, dignitas,  
& id genus alia considerentur; atque in ipsis rebus  
tempus, locus, & similia; quæ nisi cum animo repu-  
tentur, & intelligantur; vix Prudentia id præstabile,  
virtutum medium invenire poterit, in quo tamen ex-  
quirendo laborat. Est igitur proprium munus Cir-  
cumspeditionis, metiri res, actionesque, & quid se-  
ctandum, quid fugendum, quid prodesse, quid ob-  
esse, quid commodi oriri possit, vel incommodi, cir-  
cumspicere. Nihil nos adeò, ut circumspecti simus,  
adhortari debet, quàm innumera, quæ nos undique  
circumsident pericula, qui oppugnant hostes, quæ  
obvallant mala, qui nobis structi sunt laquei. Quare  
id quisque sibi, quod olim Ezechieli à Deo dictum,  
persuadet: (a) *Speculatorem dedi te domui Israel.* Spe-  
culatoris est, esse in editissimo urbis loco, in sublimi  
fastigio, in excelsa specula. Speculator non jacet in

(a) *Ezech. 3. 17.*

N n 3

valle

valle montis; sed stat in culmine turris. Deinde speculatoris est si velit suos numeros abolvere: non tantum prospicere, quæ antè sunt; nec respicere, quæ retrò; nec suscipere, quæ infrà; nec aspicere, quæ à dextris, vel sinistris sunt; sed oportet eum, in stat oculatissimi Argi, circumspicere.

II. Dum civitas aliqua, circumfidentium militum coronâ, in toto ambitu obvallatur; si unquam, tunc profectò debet urbis Gubernator esse circumspectus; ne quis hosti uspiam pateat in urbem aditus. Quid est homo, nisi quasi quædam in Orbe urbs? sic de eo Isaias; (a) *Vocaberis civitas iusti, urbs fidelis.* Sed quàm sit hæc civitas parum munita, quàm sine fragilia ejus præsidia, quàm vitiosa mænia, quàm male materiati muri, docebimur oraculo Jobi: (b) *Manus tua fecerunt me, & plasnaverunt me rotum in circuitu.* Sed quomodo plasnaverunt? *Memento quasi, quod sicut lutum feceris me. Nonne sicut lac molivisti me, & sicut caseum me coagulasti. Pelle & carnis vestisti me, ossibus & nervis compegisti me.* En qualis civitas? quæ mænia? ex luto, quod baculo penetres? ex lacte, quod infantes exsugant? ex caseo, quem mures corrodam? ex pelle, quam scalpello discindas? ex carnis, quas vermes consumant? Quæ urbs, vel muris infirmior? vel propugnaculis debilior? vel munimentis fragilior? Hæc tamen civitas ex luto, lacte, caseo, carne, nervis, coagulata potius, quàm conflata, noctes, diesque obsidetur, & à validissimis hostibus, quos timent omnes, etiam qui timentur, sine missione oppugnatur.

III. Dum tu dormiendo quiescis, dæmon cuniculos

(a) *Isa. 1. 26.* (b) *Job. 10. 10.*

Junius.

Tessera.

567

los agit : dum tu te effundis in delicias ; ille tibi struit insidias : dum tu segnis oscitas ; ille classicum canit : scalas admovet & nunc oculis , nunc auribus , jam moribus , jam faucibus : dum assides mensæ , teque ingurgitas , occulit se in lancibus , ut unâ cum ferculis se insinuet in stomachum : dum vacas exhauriendis cantharis , mergit se in vino , ut per fauces influat in venas. Singula , quæ ad corporis officium numeras membra , sunt totidem hostis tui , quibus te infestat , arma. Circumspice , & nusquam non videbis vel hostes , qui te oppugnent ; vel arma , quibus possis oppugnari. Quidquid Deus tibi concessit ad salutem , hostis tuus convertit ad tui perniciem. Sol ortus radios suos exerit ? Prodis in publicum : ut vel videaris , à quibus videri , est arrogantia ; vel ut videas , quæ vidisse , est luxuria. Ita per ipsam lucem solis obfuscat jubar mentis , & in luce facit te filium tenebrarum. Sol occidit ? non tua cum sole occidit iracundia , oritur lascivia. Obvium habes in plateis amicum ? blandiris. Occurris inimico ? irasceris. Vides pauperem ? despicias. divitem ? invides. mulierem ? concupiscis , quam ergò oportet te esse circumspectum , ubi tot te circumstant pereundi pericula ? ubi non sit punctum loci , in quo non sit hostis , qui oppugnet ? ubi non sit momentum temporis , quo non oppugneris ? Nunquam hic est securus , ubi semper ad radicem ponitur securis. Satis est , ut semper caveas , paveas , posse cadere.

*Non stat securus ; qui protinus est ruiturus.*

Nn 4

23. DIES